

U G O V O R
o naučnoistraživačkoj i poslovnoj saradnji

zaključen između: JU "CENTAR ZA NAPREDNE TEHNOLOGIJE U SARAJEVU", Vilsonovo
šetalište 9., 71 000 Sarajevo, koga zastupa direktor Ensar Mulaosmanović,
dipl.inž. maš. (u daljem tekstu Centar)

i

UNIVERZITET U ZENICI OJ INSTITUT "KEMAL KAPETANOVIĆ" U
ZENICI, koga zastupa rektor prof.dr.sc. Damir Kukić, Travnička cesta 7.,
72 000 Zenica,
(u daljem tekstu Institut)

PREDMET UGOVORA

Član 1.

Ugovorene strane su se dogovorile na međusobnu naučnotehničku i poslovnu saradnju putem koje će Institut vršiti usluge iz domena registrovane djelatnosti, a Centar će te usluge prioriteto naručivati od Instituta.

Ugovorne strane će međusobne odnose za svaki konkretan projekat/posao dogovarati ugovorom.

OBAVEZE UGOVORNIH STRANA

Član 2.

Institut se obavezuje da:

- Imenuje ovlašteno lice koje će kontaktirati sa Centrom,
- Poslove iz člana 1. ovog ugovora izvršava stručno, kvalitetno, prioriteto i u dogovorenim rokovima,
- Za izvršene usluge Centru dostavi odgovarajuće elaborate/ekpertize/izvještaje sa pripadajućom dokumentacijom.

Član 3.

Centar se obavezuje da:

- Imenuje ovlašteno lice koje će kontaktirati sa predstavnicima Instituta,
- U slučaju potrebe za uslugama iz člana 1. ovog ugovora prioriteto angažuje Institut za njihovo obavljanje,
- Pravovremeno narudžbom informiše Institut o obimu i vrsti radova,
- Dostavi uzorke na ispitivanje,
- Pruži Institutu potrebne informacije i druge podatke, te stvori uslove na terenu za izvršenje zadataka,
- Pravovremeno izvršava finansijske obaveze prema Institutu.

ROKOVI

Član 4.

Ugovorne strane će za svaki posao ugovorom definisati rokove za realizaciju istog.

CIJENA I NAČIN PLAĆANJA

Član 5.

Cijene usluga iz člana 1. ovog ugovora će se utvrđivati za svaki konkretan posao pojedinačno, na temelju sagledavanja svih troškova vezanih za realizaciju posla, a u skladu sa cjenovnikom usluga Izvršioca.

Član 6.

Do promjene cijena može doći u slučaju promjene cjenovnika Izvršioca, o čemu će se ugovorne strane saglasiti aneksom ugovora.

Član 7.

Rok i način plaćanja će se utvrđivati po pojedinačnim ugovorima.

ROK TRAJANJA UGOVORA

Član 8.

Ugovor se zaključuje na period od godinu dana počev od dana potpisivanja ugovora obiju ugovornih strana.

Do raskida ugovora može doći i prije ugovorenog roka s tim da jedna ugovorna strana o tome pismeno obavijesti drugu uz otkazni rok od mjesec dana.

OSTALE ODREDBE

Član 9.

Ugovor se zaključuje u svrhu međusobne saradnje.

Član 10.

Sve eventualne izmjene i dopune ovog ugovora regulisat će se pismenim putem uz saglasnost ugovornih strana aneksom ugovora.

Član 11.

Sva sporna pitanja koja nastanu po ovom ugovoru rješavaće ovlašteni predstavnici ugovornih strana, a ukoliko ne riješe nastali spor će rješavati nadležni sud u Zenici.

Član 12.

Za sve što nije regulisano ovim ugovorom primjenjuju se odredbe Zakona o obligacionim odnosima.

Član 13.

Ovaj ugovor je sačinjen u četiri istovjetna primjerka od kojih po dva zadržava svaka ugovorna strana.

Zenica, 08.04.2020.g.

Broj: 01-03-10-1331/20

ZA IZVRŠIOCA

rektor Univerziteta u Zenici



Prof.dr.sc. Damir Kukić



ZA NARUČIOCA



Ensar Mulaosmanović, dipl.inž. maš.



v.d. direktor Instituta "Kemal Kapetanović" Zenica



Doc.dr. sc. Mustafa Hadžalić, naučni saradnik